



Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Prishtinë, 13 prill 2018
Kodi i ZRRE-së: V_971_2018

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, nenin 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-084);
- Nenin 14 paragrafi 6 dhe 7 të Rregullës për Procedurën e Autorizimit për Ndërtimin e Kapaciteteve të reja;
- Vendimin mbi Njoftimin për Autorizimin Preliminar V_899_2017 të datës 16 mars 2017 të lëshuar shoqërisë "Hidrocom" Sh.p.k., me të cilën ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Kaqandoll, në Lokacionin ZK Segaqe/Popovë, me kapacitet të instaluar prej 2.6 MW, Komuna e Podujevës, Republika e Kosovës, dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Kaqandoll, në Lokacionin ZK Segaqe/Popovë, me kapacitet të instaluar prej 2.6 MW, Komuna e Podujevës, të datës 14.03.2018, të shoqërisë "Hidrocom" Sh.p.k., me adresë: Rruga "Richard Holbruk" Veternik, 10000 Prishtinë, Republika e Kosovës,

në seancën e mbajtur me datë 13 prill 2018 nxori këtë:

V E N D I M

- I. **APROVOHET** kërkesa e shoqërisë "Hidrocom" Sh.p.k., dhe **SHTYHET** afati i vlefshmërisë së Vendimit mbi Njoftimin për Autorizimin Preliminar V_899_2017 i datës 16 mars 2017, për kompletimin e aplikacionit për marrjen e Autorizimit Final, për ndërtimin e HC Kaqandoll, në Lokacionin ZK Segaqe/Popovë, me kapacitet të instaluar prej 2.6 MW Komuna e Podujevës, edhe për një afat gjashtë (6) mujor, gjegjësisht deri me 16 shtator 2018.
- II. Shoqëria "Hidrocom" Sh.p.k., obligohet që brenda këtij afati të bëjë kërkesë me shkrim për shndërrimin e Vendimit mbi Njoftimin Preliminar në Autorizim Final për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Kaqandoll, në Lokacionin ZK Segaqe/Popovë, me kapacitet të instaluar prej 2.6 MW, Komuna e Podujevës, gjegjësisht deri me datën 16 shtator 2018 duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.



- III. Pas skadimit të afatit të cekur në pikën I. të dispozitivit, Vendimi V_899_2017 i datës 16 mars 2017 mbi Njoftimin për Autorizimin Preliminar, do të shfuqizohet në mënyrë automatike, dhe nuk do të shqyrtohet nga Bordi i ZRRE-së.

Arsyetim

- o ZRRE, me datë 30.01.2017 nga shoqëria “Hidrocom” Sh.p.k., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Kaqandoll, në Lokacionin ZK Segaqe/Popovë, me kapacitet të instaluar prej 2.6 MW, Komuna e Podujevës, Republika e Kosovës.
- o ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Hidrocentrali, me datë 16 mars 2017 ka lëshuar Vendimin mbi Njoftimin për Autorizimin Preliminar V_899_2017, dhe ka udhëzuar aplikuesin që t'i plotësoj kërkesat tjera ligjore që kërkohen me legjislacionin në fuqi në Republikën e Kosovës.
- o Vendim mbi Njoftimin për Autorizimin Preliminar V_899_2017, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- o Njoftimi mbi Vendimin për Autorizimin Preliminar ka përcaktuar disponueshmërinë e caqeve si dhe pranimin e aplikuesit në skemën mbështetëse dhe garantimin automatik të tarifës nxitëse.
- o Njoftimi mbi Vendimin për Autorizimin Preliminar ka përcaktuar se aplikuesit i garantohet lidhja e Marrëveshjes për Shitblerje të Energjisë Elektrike me Furnizuesit Publik në kohëzgjatje 10 vjeçare, e cila do të lidhet së paku (30) ditësh para datës së fillimit të operimit gjenerues.
- o Vendimi mbi Njoftimin për Autorizimin Preliminar, është lëshuar në afat (1) një vjeçar, dhe në këtë vendim është përcaktuar se shoqërisë “Hidrocom” Sh.p.k., do t'i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
- o Aplikuesi “Hidrocom” Sh.p.k., me datë 14.03.2018 ka parashtruar kërkesën për shtyrje të afatit të vlefshmërisë së Vendimit mbi Njoftimin për Autorizimin Preliminar dhe në kërkesën e saj ka sqaruar se: *kërkesa jonë për shtypje të afatit të vlefshmërisë së autorizimit preliminar është bërë sepse janë në pritje të marrjes së Pëlqimit Ujor nga Ministria e Mjedisit dhe Planifikimit Hapësinorë, ku është bërë kërkesa me datë 06.06.2017, dhe për shkak të mungesës së Pëlqimit Ujor nuk po mundem të përgatisin dokumentacionet tjera për Zyrën e Rregullatorit për Energji për paraqitjen e dokumentacionit për vendim final. Andaj, kërkojnë nga Bordi i ZRRE-së, që të gjejnë mbështetje për shtyrje të afatit të vlefshmërisë së autorizimit preliminar.*
- o Bordi i ZRRE-së, pas analizimit të kërkesës së shoqërisë “Hidrocom” Sh.p.k., dhe dëshmime të bashkangjitura për shtyrje të afatit të vlefshmërisë të Vendimit mbi Njoftimin për Autorizimin Preliminar, ka vlerësuar ato, dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.



V. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i Rregullatorit

Arsim Janova, u.d. Kryesues

Besim Sejfiqaj, Anëtar

Selman Hoti, Anëtar

Izet Rushiti, Anëtar

Vendimi iu dërgohet:

- Palës,
- Komunës së Podujevës,
- Sekretarit të Përgjithshëm të MMPH-së, dhe
- Arkivit të ZRRE-së.